

KA-LIÁP-THÀI JÏN SU (48)

1 Pó-lô choè sù-tô· (m̄ sī chhut tī lāng, iā m̄ sī tui lāng, chiū-sī tui Iā-so· Ki-tok kap hō· I tui sí-lāng tiong koh-oáh ê Pē Siōng-tè) ²taⁿ kap tâng tī-teh ê chêng hiaⁿ-tī phoe kià hō· Ka-liáp-thài chia^h ê kàu-hoē: ³goān lín tui Pē Siōng-tè kap lán ê Chú Iā-so· Ki-tok tit-tiòh un-tián pêng-an; ⁴I ùi-tiòh lán ê choē hiàn ka-kī, beh kiù lán chhut hiān-kim pháiⁿ ê sè-tāi, chiū-sī chiàu lán ê Pē Siōng-tè ê chí-ì; ⁵goān êng-kng kui I kàu tãi-tãi. A-bêng.

⁶Chêng tī Ki-tok ê un tiàu lín ê, lín lī-khui I kàu chia^h kín, khi thàn pát iūⁿ ê hok-im, sī goá só· kī-koài; ⁷hit ê pát-ê m̄ sī hok-im, put-kò ũ lāng kiáu-jiáu lín, ài phah-loān Ki-tok ê hok-im nā-tiāⁿ. ⁸Taⁿ siat-sú goán, á-sī tui thiⁿ lāi ê thiⁿ-sài thoān hok-im hō· lín, koh-iūⁿ tī goán só· bat thoān hō· lín ê, i tiòh siū chiù-chó·. ⁹Chhin-chhiūⁿ goán chêng bat kóng ê, taⁿ goá koh kóng i, nā ũ lāng thoān hok-im hō· lín, koh-iūⁿ tī lín só· bat siū ê, i tiòh siū chiù-chó·. ¹⁰Goá taⁿ sī teh tui lāng thiám-mī mah? Á-sī tui Siōng-tè ah? Á-sī goá teh kiù hō· lāng hoaⁿ-hí ah? Goá nā iáu-kú ài hō· lāng hoaⁿ-hí, chiū m̄ sī Ki-tok ê lô-pók.

¹¹Hiaⁿ-tī ah, goá pò lín chai lūn goá pêng-sò· só· thoān ê hok-im, hit-ê m̄ sī chiàu lāng ê ì-sù. ¹²In-ùi goá bē bat tui lāng siū-tiòh, iā bô siū lāng kà-sī, sī tui Iā-so· Ki-tok ê khé-sī. ¹³Lín bat thiaⁿ-kìⁿ goá chêng tī Iū-

thài kàu só· kiāⁿ-choè ê, chiū-sī khún-tiòk Siōng-tè ê kàu-hoē chin thiám, lāi hām-hāi i. ¹⁴Koh goá tī Iū-thài kàu pí pún-chók tâng-poè ê choē-choē lāng khah chìn-pō·, ùi-tiòh goá chó·-chong ê ùi-thoān koh khah jiát-sim. ¹⁵Nā-sī tui goán lāu-bú ê thai hun-piat goá, ēng I ê un-tián tiàu goá ê Siōng-tè, ¹⁶kì-jiān hoaⁿ-hí chiong I ê Kiáⁿ hiān-bêng tī goá, beh hō· goá soan-thoān I tī goā-pang, goá chiū bô kap lāng chham-siōng, ¹⁷iā bô chiūⁿ Iā-lō·-sat-léng chiū-kūn hiah ê tãi-seng goá choè sù-tô· ê; tók-tók khi A-lat-pek, koh tò-túg-lāi Tāi-má-sek.

¹⁸Saⁿ nī āu goá chiūⁿ Iā-lō·-sat-léng, khi thām Ki-hoat, kap i toà chấp-gō· jít. ¹⁹Kì-ū ê sù-tô·, tū-khi Chú ê hiaⁿ-tī Ngá-kok í-goā, goá lóng bô kìⁿ-tiòh. ²⁰Taⁿ goá só· siá hō· lín ê, goá tī Siōng-tè ê bīn-chêng bô pēh-chhát. ²¹Āu-lāi goá kàu Sū-lī-a kap Ki-lī-ka ê toē-hng. ²²Hit sī siók Iū-thài toē tiām-tī Ki-tok chia^h ê kàu-hoē, iáu-kú m̄ bat goá ê bīn; in kan-ta thiaⁿ-kìⁿ kóng, ²³Chêng khún-tiòk lán ê, taⁿ thoān i pêng-sò· só· hām-hāi ê kàu; ²⁴chiū in-ùi goá kui êng-kng Siōng-tè.

2 Kè chấp-sì nī goá kap Pa-ná-pa koh chiūⁿ Iā-lō·-sat-léng, iā chhoā Thê-to saⁿ-kap khi. ²Goá sī hōng khé-sī chia^h chiūⁿ khi; koh chiong goá tī goā-pang só· thoān ê hok-im tui in pài-liát, sī lēng-goā tui ũ bēng-bōng ê lāng pài-liát, bián goá hiān-kim á-sī í-chêng

só· kiâⁿ ê kui tī khang-khang. ³Kap goá khi ê Thê-to, sī Hi-lī-nī lāng, iā bô hō· lāng bián-kióng i siū kat-lé. ⁴Sī ūi-tiōh ū àm-chīⁿ ín-chìn lāi ké ê hiaⁿ-tī, in àm-chīⁿ jlp lāi thau-khoàⁿ goán tiàm-tī Ki-tok Iā-so· só· ū ê chū-iū, beh hō· goán chiāⁿ-choè lô·-pók. ⁵Goán bē bat chit sī hāng-hók lāi niū in, sī beh hō· hok-im ê chin-lí tng-tng chūn tī lín tiong-kan. ⁶Tui tī hiah ê hō choè ū bēng-bōng ê lāng, (bô lūn in chēng sī sīm-mīh téng-hō ê lāng, tī goá bô choah; Siōng-tè bô ēng goā-māu chhú lāng), kiū-kèng hiah ê ū bēng-bōng ê lāng tī goá bô ke-thiⁿ sīm-mīh. ⁷Hoán-túg sī án-ni, in khoàⁿ-kìⁿ Chú thok-tiōng goá thoân hok-im hō· bē siū kat-lé ê, chhin-chhiūⁿ thok-tiōng Pí-tek thoân hok-im hō· í-keng siū kat-lé ê, ⁸in-ūi chhut-lát kiāⁿ tī Pí-tek, hō· i choè siū kat-lé ê ê sù-tô·, iā chhut-lát kiāⁿ tī goá, hō· goá choè goā-pang ê sù-tô·), ⁹koh chai só· siūⁿ-sù goá ê un-tián, chiū Ngá-kok, Ki-hoat, Iok-hān, lāng khoàⁿ choè thiāu-chiōh ê, chhun chiāⁿ chhiú kap goá chham Pa-ná-pa saⁿ kau-poê, hō· goán khi chiū-kūn goā-pang lāng, iā in khi chiū-kūn siū kat-lé ê; ¹⁰tók-tók ài goán siāu-liām sòng-hiong lāng; che iā sī goá pún tī-i teh kiāⁿ ê.

¹¹Nā-sī Ki-hoat kàu An-thê-o ê sī, goá tng-bīn tí-ték i, sī i ū hoān-choè. ¹²In-ūi ū kúi-nā lāng tui Ngá-kok hia lāi, iáu-bē kàu ê sī, i kap goā-pang lāng saⁿ-kap chiáh; in í-keng kàu, i kiaⁿ siū kat-lé ê lāng, chiū thè-khui lāi ka-kī hun-piat. ¹³Ki-ū ê Iū-thài lāng iā kap i chng-choè, tì-kàu lián Pa-ná-pa iā tui in ê chng-choè siū ín-iú. ¹⁴Chóng-sī goá khoàⁿ-kìⁿ in bô chiāu-tít kiāⁿ lāi thàn hok-im ê chin-lí, chiū tī chēng lāng ê bīn-chēng kā Ki-hoat kóng, Lí sī Iū-thài lāng, choè-lāng kì-jian chhin-chhiūⁿ goā-pang lāng, bô chhin-chhiūⁿ Iū-thài lāng,

siāⁿ-sū teh bián-kióng goā-pang lāng óh Iū-thài lāng ah? ¹⁵lān chhut-sì choè Iū-thài lāng, m̄ sī goā-pang ê choē-jīm. ¹⁶Kì-jian chai lāng tit-tiōh chheng-choè-gī m̄ sī tui thàn lút-hoat, tók-tók tui sìn Iā-so· Ki-tok, lān iā ū sìn-khò Ki-tok Iā-so·, hō· lān tui sìn Ki-tok tit-tiōh chheng-choè-gī, m̄ sī tui thàn lút-hoat, in-ūi tui thàn lút-hoat bô lāng oē tit-tiōh chheng-choè-gī. ¹⁷Taⁿ siat-sú lān teh kiū tī Ki-tok tit-tiōh chheng-choè-gī, iā ka-kī iáu-kú hián-chhut choè ū choè ê lāng, án-ni Ki-tok sī choē-ok ê chhe-ēng mah? Toàn-toàn m̄ sī; ¹⁸in-ūi goá nā koh khí goá chēng só· húi ê, chiū-sī piáu-bēng ka-kī choè hoān-hoat ê lāng. ¹⁹In-ūi goá tui lút-hoat, chiū òng lút-hoat í-keng sí, beh hō· goá òng Siōng-tè lāi oah. ²⁰Goá bat kap Ki-tok tâng tēng síp-jī-kè; goá iáu-kú teh oah, m̄ sī iū-goān goá, chiū-sī Ki-tok tiàm-tī goá teh oah; koh goá hiān-kim tī jiók-thé só· ū ê oah, sī chāi-tī sìn Siōng-tè ê Kiāⁿ lāi oah, I bat thiāⁿ goá, thoè goá hián ka-kī. ²¹Goá bô hoè-bô Siōng-tè ê un-tián; in-ūi tui lút-hoat nā oē tit-tiōh gī, chiū Ki-tok bô in-toaⁿ lāi sí.

3 Gōng ê Ka-liáp-thài lāng ah, Iā-so· Ki-tok tēng síp-jī-kè í-keng hēng-iōng chin bēng tī lín ê bák-chiu chēng, taⁿ lín hō· chī-chui bē-khi ah? ²Goá kan-ta m̄ng lín chit hāng, Lín chēng siū-tiōh Sèng Sín sī tui thàn lút-hoat lāi kiāⁿ, á-sī tui thiaⁿ lāi sìn ah? ³Lín kàu chia hōng ah? Lín kì-jian tī Sèng Sín choè khí-thâu, taⁿ chiū tī jiók-thé chhiāⁿ-bé mah? ⁴Lín siū hiah choē hāng ê kan-khó· kiám khang-khang mah? Chóng bô chin-chiāⁿ khang-khang ah. ⁵Hit ê siūⁿ-sù lín Sèng Sín, koh chhut-lát kiāⁿ chia ê koān-lēng tī lín tiong-kan ê, sī tui lín thàn lút-hoat lāi kiāⁿ, á-sī tui lín thiaⁿ lāi sìn ah? ⁶Chhin-chhiūⁿ A-pek-lāh-hán sìn Siōng-tè, chiū kā i sng choè

gī. ⁷Só·í lín tióh chai kìⁿ-nā sìn ê lāng chiū-sī A-pek-láh-hán ê kiáⁿ-sun. ⁸Sèng-keng tãi-seng khoàⁿ-chhut Siōng-tè beh hō· goā-pang lāng tui sìn chheng-choè-gī, chiū tãi-seng thoân hok-im hō· A-pek-láh-hán kóng, Bān pang beh tui lí tit-tióh hok-khì. ⁹Khó-kian kìⁿ-nā sìn ê lāng kap ū sìn ê A-pek-láh-hán tâng tit-tióh hok-khì. ¹⁰Kìⁿ-nā khò pún-sin kiáⁿ lút-hoat ê lóng siū chiū-chó·; in-ūi ū kì-chài kóng, Kìⁿ-nā bô tng-tng chiàu lút-hoat ê chheh lóng-chóng só· kì-chài lâi kiáⁿ i ê, tióh siū chiū-chó·. ¹¹Taⁿ khò lút-hoat bô lāng tī Siōng-tè ê bīn-chêng chheng-choè-gī sī bêng, in-ūi, Gī ê lāng beh tui sìn lâi oáh. ¹²Nā-sī lút-hoat m̄ sī tui sìn, tók-tók, kiáⁿ chiah-ê ê, beh tui chiah-ê lâi oáh. ¹³Ki-tok í-keng siók-hoê lán thoat-lī lút-hoat ê chiū-chó·, in-ūi I ūi-tióh lán chiáⁿ-choè chiū-chó·, in-ūi ū kì-chài kong, Kìⁿ-nā tiâu tī chhâ-nih ê siū chiū-chó·; ¹⁴beh hō· A-pek-láh-hán ê hok-khì, tui Ki-tok Iâ-so·, soà kàu tī goā-pang, hō· lán tui sìn tit-tióh só· èng-ún ê Sèng Sìn.

¹⁵Hiaⁿ-tī ah, goá chiàu lāng ê tãi-chì lâi kóng: sui-jiân sī lāng ê iok, nā í-keng tiáⁿ-tióh, chiū bô lāng ká i hoè-bô á-sī ke-thiⁿ. ¹⁶Taⁿ chiah ê èng-ún sī tui A-pek-láh-hán í-kíp i ê hō·-è kóng. I bô kóng, Í-kíp lí chiah ê hō·-è, chhin-chhiūⁿ chí choè-choè lāng; sī kóng, Í-kíp lí ê hō·-è, chhin-chhiūⁿ chí chit lāng, chiū-sī Ki-tok. ¹⁷Taⁿ goá kóng, Siōng-tè só· tãi-seng tiáⁿ-tióh ê iok, m̄ sī hit ê sī-pah saⁿ-cháp nī āu ê lút-hoat só· oē ká i hoè-bô, tì-kàu só· èng-ún ê kui tī khang-khang. ¹⁸In-ūi sêng-chiap ke-giáp, nā sī tui lút-hoat, chiū bô tui èng-ún; chóng-sī Siōng-tè un-sù A-pek-láh-hán sī chiàu èng-ún. ¹⁹Án-ni lút-hoat sī cháiⁿ-iūⁿ? sī ūi-tióh chiah ê kè-sit lâi ke-siat, thèng-hāu hit ê tit-tióh èng-ún ê hō·-è kàu;

iā sī tui thiⁿ-sài, keng-kè tiong-pó ê chhiú, lâi siat. ²⁰Taⁿ tiong-pó m̄ sī choè chit-ê ê tiong-pó, nā-sī Siōng-tè sī chit-ê. ²¹Án-ni lút-hoat kap Siōng-tè ê èng-ún tui-kèh mah? Toàn-toàn m̄ sī. In-ūi nā bat thoân chit ê lút-hoat oē hō· lāng oáh ê, chiū gī sít-chāi sī tui lút-hoat. ²²Chóng-sī sèng-keng í-keng chiong bān lāng ūi tī choè-ok lâi, beh hō· só· èng-ún ê, thang tui sìn Iâ-so· Ki-tok, lâi siúⁿ-sù hiah ê sìn ê lāng.

²³Chóng-sī chit ê sìn bē kàu ê tãi-seng, lán siū kò·-siú tī lút-hoat ē, ūi-teh lâi thèng-hāu beh hián-bêng ê sìn. ²⁴Án-ni lút-hoat sī choè koán-kò· gín-ná ê, chhoā lán kàu Ki-tok, hō· lán tui sìn lâi chheng-choè-gī. ²⁵Nā-sī sìn í-keng kàu, chiū bô koh hâng-hók tī koán-kò· gín-ná ê. ²⁶In-ūi lín tui sìn-khò Ki-tok Iâ-so·, lóng choè Siōng-tè ê kiáⁿ. ²⁷In-ūi lín kìⁿ-nā siū soé-lé lâi jlp tī Ki-tok ê, sī bat chhēng Ki-tok. ²⁸Bô ū Iū-thài á-sī Hi-lī-nī, lô·pók á-sī chū-iū ê, ta-po·lāng hū-jîn-lāng ê hun-piat; in-ūi lín tī Ki-tok Iâ-so· lóng sī chit-ê. ²⁹Lín nā siók Ki-tok chiū choè A-pek-láh-hán ê hō·-è, chiàu èng-ún lâi choè hō·-sù.

4 Taⁿ goá kóng hō·-sù sui-jiân sī choân-giáp ê chú, iáu choè gín-ná ê sī, kap lô·pók bô koh-iūⁿ; ²chiū-sī hâng-hók kam-tok ê kap koán-ke ê, thèng-hāu lāu-pē só· hān-tiáⁿ ê kī kàu. ³Chhin-chhiūⁿ án-ni, lán choè gín-ná ê sī, iā choè lô·pók, hâng-hók chit sè-kan ê siáu-hák. ⁴Nā-sī kàu hit ê sī í-keng moá, Siōng-tè chhe I ê kiáⁿ, tui hū-jîn-lāng lâi chhut-sì, ⁵chhut-sì tī lút-hoat ē, lâi siók-hoê lút-hoat ē ê lāng, hō· lán siū siat-líp choè kiáⁿ. ⁶Ūi-tióh lín sī choè kiáⁿ, Siōng-tè chhe I ê Kiáⁿ ê Sìn jlp lán ê sim, âu-kiò kóng, Á-pà, Pē ah. ⁷Chhin-chhiūⁿ án-ni, lí m̄ sī iū-goân choè lô·pók, chiū-sī choè kiáⁿ; kì-jiân choè

kiáⁿ, chiū tui Siōng-tè lâi choè hō·sū.

⁸Chóng-sī tong sī lín m̄ bat Siōng-tè, choè hiah ê seng-sêng m̄ sī siōng-tè ê ê lô·pók.

⁹Nā-sī taⁿ í-keng bat Siōng-tè, khah hó tiòh kóng hō· Siōng-tè só· bat, cháiⁿ-iūⁿ tò-túg koh òng hiah ê nng-chiáⁿ khang-khang ê siáu-hák, chiū-sī lín só· ài koh têng-chài choè in ê lô·pók ê ah? ¹⁰Lín tì-ì siú jlt, gèh, choeh, nì.

¹¹Goá thoè lín chin kiaⁿ, kiaⁿ-liáu goá só· ùi-tiòh lín tiòh-boā ê oē khang-khang.

¹²Hiaⁿ-tī ah, goá kiū lín tiòh chhin-chhiūⁿ goá, in-ūi goá iā chhin-chhiūⁿ lín. ¹³Lín lóng bē bat khek-khui goá; lín chai goá thâu chit pái thoan hok-im hō· lín, sī in-ūi jiók-thé ê loán-jiók. ¹⁴Hit tiáp ùi-tiòh goá ê jiók-thé lín ū siū chhi, iáu-kú bô khoaⁿ-khin, iā bô iām-chiān; sī chiap-láp goá chhin-chhiūⁿ Siōng-tè ê thiⁿ-sài; iā chhin-chhiūⁿ Ki-tok Iā-so· chit iūⁿ. ¹⁵Lín tong sī só· hoaⁿ-hí ê hok-khì tī tá-lòh? in-ūi goá kan-chèng lín, siat-sú oē choè-tit, lín chiū iah lín ê bák-chiu hō· goá. ¹⁶Taⁿ goá ēng chin-sit kā lín kóng, sī chiáⁿ-choè lín ê kiū-siū mah? ¹⁷In kap lín chhin-jiát, m̄ sī hó ì, sī ài keh-tng lín, hō· lín kap in chhin-jiát. ¹⁸Tók-tók tī hó sū lâi siōng-siōng hō· lāng kap lín chhin-jiát ê, sī hó; m̄ nā goá kap lín tī-teh ê sī tiòh án-ni. ¹⁹Goá ê soè-kiáⁿ ah, goá ùi lín koh siū seng-sán ê kan-khó·, kàu Ki-tok ê hêng-chōng chiáⁿ tī lín ê sim; ²⁰goá ài chit tiáp kap lín tī-teh, lâi oāⁿ goá ê siaⁿ; in-ūi goá ùi-tiòh lín tiū-tū.

²¹Lín ài hāng-hók lút-hoat ê, tiòh kā goá kóng, lín kiám bô thiaⁿ-kìⁿ lút-hoat mah?

²²In-ūi ū kì-chài kóng, A-pek-láh-hán ū nng ê kiáⁿ, chit-ê sī lú-pī siⁿ ê, chit-ê sī chū-iū ê siⁿ ê. ²³Nā-sī hit ê tui lú-pī ê, sī chiàu jiók-thé lâi siⁿ; hit ê tui chū-iū ê, sī tui èng-ún lâi siⁿ.

²⁴Chiah ê lóng ū phì-jū tī-teh; in-ūi hit nng

ê hū-jîn-lāng sī choè nng ê iok; chit-ê chhut tī Se-nái soaⁿ, só· siⁿ ê choè lô·pók, chiū-sī Hā-kah. ²⁵Chit ê Hā-kah sī A-lat-pek ê Se-nái soaⁿ, koh kap hiān-kim ê Iā-lō·sat-léng siāng lūi, in-ūi i kap i chiah ê kiáⁿ choè lô·pók. ²⁶Tók-tók tī téng-bīn ê Iā-lō·sat-léng sī chū-iū, sī lán ê lāu-bú. ²⁷In-ūi ū kì-chài, kong, “Lí bô hoài-īn, bô siⁿ kiáⁿ ê, tiòh hoaⁿ-hí; Bô ū seng-sán ê kan-khó· ê, tiòh chhut toā siaⁿ lâi kiò; In-ūi ka-kī toā ê hū-jîn-lāng, pí ū tiōng-hu ê, i ê kiáⁿ iáu khah choè ê.” ²⁸Hiaⁿ-tī ah, lán chhin-chhiūⁿ Í-sat choè èng-ún ê kiáⁿ. ²⁹Nā-sī chhin-chhiūⁿ tong-sī chiàu jiók-thé lâi siⁿ ê khún-tiòk chiàu Sín lâi siⁿ ê, chit tiáp iā sī án-ni. ³⁰M̄ kú sèng-keng kóng cháiⁿ-iūⁿ? Tiòh koáⁿ-chhut lú-pī kap i ê kiáⁿ, in-ūi lú-pī ê kiáⁿ koat-toàn boē thang kap chū-iū ê ê kiáⁿ tâng sêng-chiap giáp. ³¹Hiaⁿ-tī ah, án-ni lán m̄ sī lú-pī ê kiáⁿ, sī chū-iū ê ê kiáⁿ.

5 Ki-tok tháu-pàng lán choè chū-iū, só·í lín tiòh khiā-chāi, bôh-tit koh koà-tiòh hit ê choè lô·pók ê taⁿ.

²Goá Pó-lô kā lín kóng, lín nā siū kat-lé, chiū Ki-tok bô lī-ek tī lín. ³Goá koh-chài tui ták ê siū kat-lé ê lāng chêng-bêng, i tiòh kiāⁿ chiàu-chng ê lút-hoat, chhin-chhiūⁿ khiām-chè tiòh hêng. ⁴Lín ài tui lút-hoat chheng-choè-gī ê, sī í-keng kap Ki-tok choát-tng, í-keng tui un-tián ê ùi lút-lòh-khì. ⁵In-ūi lán oá-khò Sín, tui sìn teh thêng-hāu só· òng-bāng ê gī. ⁶In-ūi tiām-tī Ki-tok Iā-so· siū kat-lé, á bô siū kat-lé, lóng bô kong-hāu, tók-tók sìn, tui jîn-ài lâi kiāⁿ ê, chiah ū kong-hāu. ⁷Lín chêng sī gâu cháu; chī-chūi chó·tòng lín tì-kàu lín bô thàn chin-lí ah? ⁸Hit hō ê khó·khng m̄ sī tui tiâu lín ê chhut. ⁹Tām-pòh ê kàⁿ oē hoat kui-sng. ¹⁰Goá tiām-tī Chú chhim sìn, lín put-tì ū pát iūⁿ ê sim-chì; tók-

tók kiáu-jiáu lín ê, bô lūn sī sím-mih lāng, i beh siū gí choē. ¹¹Hiaⁿ-tī ah, goá nā iáu teh thoân kat-lé, siáⁿ-sū iáu-kú siū khún-tiók ah? Án-ni síp-jī-kè ê choè that-gāi, í-keng hoè-bô ah. ¹²Goān hiah ê phah-loān lín ê chiong ka-kī koah-tng.

¹³Hiaⁿ-tī ah, lín siū tiàu sī lâi tit-tiòh chū-iū; tók-tók bôh-tit ēng chū-iū choè jiók-thé ê ki-koan, sī tiòh tui jîn-ài saⁿ hók-sāi. ¹⁴In-ūi choân lút-hoat pau-hâm tī chit kù, chiū-sī kóng, Thiàⁿ chhù-piⁿ chhin-chhiūⁿ ka-kī. ¹⁵Siat-sú lín saⁿ thun-kā, kiaⁿ-liáu oē saⁿ biát-bô; lín tiòh kín-sīm.

¹⁶Taⁿ goá kóng, lín tiòh chiàu Sín lâi kiâⁿ, chiū bô chiâⁿ jiók-thé ê su-iók. ¹⁷In-ūi jiók-thé ài kong-kek Sín, Sín ài kong-kek jiók-thé; nng-ê saⁿ tui-ték, hō· lín bô kiâⁿ só· ài kiâⁿ ê. ¹⁸Tók-tók lín nā hō· Sèng Sín só· ín-chhoā, chiū bô tī lút-hoat-ē. ¹⁹Taⁿ jiók-thé ê phín-hēng ū lō·-hiān, chhin-chhiūⁿ kan-îm, ù-oè, siā-phiah, ²⁰pài ngó·-siōng, siā-sút, kiat oan-siū, saⁿ-chiⁿ, oàn-hūn, siū-khi, kiat-tóng, hun-pēng, ī-toan, ²¹oàn-tò·, chiú chui, hòng-tōng, í-klp chhin-chhiūⁿ chit hō· ê; goá chēng bat tãi-séngkong, taⁿ iā tãi-seng kā lín kóng, kīⁿ-nā siōng-siōng kiâⁿ án-ni ê, chiong-lâi bô sēng-chiap Siōng-tè ê kok. ²²Nā-sī Sèng Sín ê ké-chí chiū-sī jîn-ài, hoaⁿ-hí, hô-pēng, thun-lún, chū-pi, siān-liōng, tiong-sìn, un-jiū, chún-chat; chhin-chhiūⁿ chit hō·, bô ū lút-hoat kìm i. ²⁴Koh siók Ki-tok Iâ-so· ê lāng bat chiong jiók-thé, kap i ê chēng i ê iók, tēng tī síp-jī-kè.

²⁵Lán nā chiàu Sín lâi oáh, tiòh chiàu Sín lâi kiâⁿ. ²⁶Bôh-tit tui-tiōng khang-khang ê ēng-kng, saⁿ kek-khi, saⁿ oàn-tò·.

6 Hiaⁿ-tī ah, nā ū lāng bô tiuⁿ-tī hām-lóh choē-koà, lín siók tī sīm ê lāng tiòh ēng un-jiū

ê sim-sin kui-chēng i, iā tiòh ka-kī koan-hōng kiaⁿ-liáu lín iā tú-tiòh chhi. ²Lín ták lāng ê tâng tàⁿ tiòh saⁿ-kāng taⁿ; ³ēng án-ni lâi chīm Ki-tok ê hoat. ⁴Bô, iā ka-kī liáh-choē ū ê, sī phiàn ka-kī. Táⁿ lāng tiòh séng-chhat ka-kī ê só· kiâⁿ, chiū ū thang khoa-kháu ê, chāi-tī pún-sin, bô chāi-tī pát lāng. ⁵In-ūi táⁿ lāng beh taⁿ i ka-kī ê tàⁿ.

⁶Hák-síp tō-lí ê tiòh chiong táⁿ hāng hó mih hō· kà-sī i ê saⁿ-kap ū hūn. ⁷Bôh-tit ka-kī chhò-gō·, Siōng-tè boē bú-bān-tit; in-ūi lāng só· iā ê sī sím-mih, i iā beh siu hit hō. ⁸Ūi-tiòh ka-kī ê jiók-thé iā ê, beh tui jiók-thé lâi siu-sēng pāi-hoāi; ūi-tiòh Sèng Sín iā ê, beh tui Sèng Sín lâi siu-sēng éng-oáh. ⁹Lán kiâⁿ hó m̄ thang sit-chi, in-ūi nā bô chhi-chām, kàu kī oē siu-sēng. ¹⁰Só·-í iáu ū ki-hoē, lán tiòh kiâⁿ hó tī chēng lāng, tī hiah ê tui sìn chiâⁿ-choē chit ke ê lāng, koh khah tiòh tì-ì.

¹¹Lín khoàⁿ goá chhin-chhiūⁿ siá hō· lín ê jī kàu chiah toā. ¹²Kīⁿ-nā ài ēng jiók-thé chng-thāⁿ hó khoàⁿ ê, in bián-kióng lín siū kat-lé, bô m̄ sī ài bián-tit ūi-tiòh Ki-tok ê síp-jī-kè siū khún-tiók. ¹³In-ūi in siū kat-lé, lian ka-kī iā bô siú lút-hoat; tók-tók ài lín siū kat-lé, hō· in thang tī lín ê jiók-thé khoa-kháu. ¹⁴Nā-sī goá toàn-toàn m̄ khoa-kháu pát hāng, chí-ū khoa-kháu lán ê Chú Iâ-so· Ki-tok ê síp-jī-kè nā-tiāⁿ; tui chit-ê chiū sè-kan òng goá tēng síp-jī-kè, goá òng sè-kan iā sī án-ni. ¹⁵In-ūi siū kat-lé, bô siū kat-lé, lóng bô iàu-kín; iàu-kín chiū-sī choē sin chhòng-chō ê lāng. ¹⁶Kīⁿ-nā chiàu chit ê chún-chin lâi kiâⁿ ê, goān pēng-an lín-bín kàu tī in, iā kàu tī Siōng-tè Í-sek-liát ê peh-siⁿ.

¹⁷Taⁿ liáu-āu lāng m̄ thang kiáu-jiáu goá; in-ūi goá ê seng-khu ū tài Iâ-so· ê hūn-jiah.

¹⁸Hiaⁿ-tī ah, goān lán ê Chú Iâ-so· Ki-tok

ê un-tián kap lín ê sim-sîn tī-teh. À-bēng.